

Koblenzer Mundart:

## Confluentia dankt

Confluentia hat Sorje,  
wie en Modder om ihr Kend.  
En der Zeidung jede Morje  
mer dofier Beweise fend.

Bahl om Räuwer on Ganove,  
om dat Chaos-em Verkehr.  
E Gedicht von honnert Strophe  
könnt mer dovon stelle her.

Niemols dohn die Sorje ende,  
jeden Dach passieret hei wat -  
einmol drauße em Gelände,  
einmol mette en der Stadt.

Kowelenz hat schwarze Schäfjer,  
jo die get et iwwerall.  
Gottseidank get et och „Brävjer“,  
wie beweist dä Wildschwein-Fall.

Han doch su paar ggode Stutzjer  
fier dat Remstecke-Geheg  
glatt spendiert vill „welle Wutzjer“,  
engeschlohn en gode Weg.

Confluentia, ihr Schängel,  
dankt fier jede gode Tat.  
Freut sich, dat se och noch Engel  
onner ihrer Kenner hat.

Katharina Schaaf

Katharina Schaaf 28.6.69